



12-10-2023

UKA2023/49 UKA2023/74

Pele Broberg, Naleraq

Naalakkersuisut – Inatsisartuni ataatsimiititaliaq suleqatigalugu – Kalaallit Nunaanni Inatsit Tunngaviusussaq pillugu missingiutip, Inatsit Tunngavisussaq pillugu Isumalioqatigiissitat suliarisaata suliareqqinneqarnissaanik piaartumik qulakkeerinneqqullugit inatsisartut aala-jangiiffigisassaattut siunnersuut. Suliareqqiinermi ilaatigut innuttaasut, ilinniarfeqarfiit so-qutigisaqaqatigiillu kattuffii peqataatinneqassapput.

Inuit Ataqatigiit Inatsisartuni ilaasortaatitaat

Aamma

Inatsit tunngaviusussaq pillugu Isumalioqatigiissitat tunngaviusumik inatsisissamut missingiusaat pillugu innuttaasut akornanni isummersoqatigiinnissamut periarfissiisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.
Siumup Inatsisartuni gruppia

Siunnersuut pillugu

Naleqqamiit nunatsinni partiit anginerit marluk, Inuit Ataqatigiit aamma Siumut siunnersuutaannut qutsaviginiarpagut.

Soorunami equmiiginanngitsuunngilaq naalakkersuisooqatigiit annerusumik anguniagaq ataatsimoorfigerpasinnagu, qiningaaffiup tullianut Inatsisissaq Tunngaviusussaq inissikkusummassuk.

Naleqqamiit pingaartilluinnarparput Inatsisissaq tunngaviusumik peqarniarutta, innuttaasunut paasi-juminarlunilu siunissamut ungasinnerusumut atorneqarsinnaanissaa.

Aamma pingaaruteqarluinnarpoq Inatsisissaq tunngaviusoq ulluinnarni inuunermut inatsisaat-tunngortitsinnginnissaa, inatsisinillu ulluinnarni atortagassatsinnik aporfilersuinnginnissaa.

Taamaammat Naleqqamiit Naalakkersuisooqatigiit ikiorlugit Inatsit tunngaviusussaq pillugu Isumalioqatigiissitat tunngaviusumik inatsisissamut missingiusaat nutartersimavarput, naalisarlugu ullutsinnullu paasuminarsarlugu.

Siunnersummi paragraffit arlallit pisariaqanngitsut piiarnikuupput, assersuutigalugu qanoq inatsisartunut qinersisarnissaq aammalu meeqqat pisinnaatitaaffi. Inatsisit naliginnaasut atorlugit suliarineqarsinnaanerat aallaavigalugu.

Pingaartutulli aamma politikkerfiusut piaaannartitsinermut tunngassutilit piiarsimavagut, tamak-kumi aatsitassarsiorsinnaanissamut siunissami aammalu aalisarnermut sunniutipilussinnaammata.



Naleraq

Annerusumik oqaatsinik ikkussinata, annerpaamilli paragrafferpaaluit piiarlugit pisariinnerlune-
rissaa anguniarsimavarput siunnersuutip nutarternera.

Qularutissaanngilaq paragraffit ataasiakkaat kusanarnerusumik nuussorneqarsinnaagaluarmata.
Soorlu Naalakkersuisunut tunngasut ataatsimoortillugit, Inatsisartunut tunngasut ataatsimoortillugit
aammalu innuttaasunoortut ataatsimoortillugit. Kisiannili nutarterinitsinni Inatsit tunngaviusussaq
pillugu Isumalioqatigiissitat tunngaviusumik inatsisisamut missingiusiaat allanngornagu tulleriaar-
nera aallaavigisimavarput. Tamannalu naqqinneqarsinnaavoq Innuttaasunut taasissutissanngulerpat.

Naleqqamiit tikkuartuinata pereersunut, ataatsimoorfissarisinnaanissaa neriuutigalugu taamatut
saqqummiussarput oqaasertalerniarparput allannguutissatut siunnersuuterput.

Naleqqamiit neriuuppungut Ilanngussaq 1 atorneqarluarumaartoq, allaat siunnersuuterput ilalerneqas-
sanngippat.

Naleqqamiit Naalangaaffinngornissamut tunngavissamik pisariaqartitsinerat paasilluarlugu, al-
lannguutissatut siunnersuut imattoq saqqummiunniarparput:

**Inatsit tunngaviusussaq pillugu Isumalioqatigiissitat tunngaviusumik inatsisisamut missingi-
usiaat nutartigaq, 24-inik paragraffilik kalaallit akornanni isummersoqatigiinnissamut peri-
arfissiisoqarnissaanut, kingunerisaanillu Inatsisartut kingusinnerpaamik ukiakkut 2024 in-
nuttaasut taasissutissaanik inatsisisamik, Naalakkersuisut peqquneqarnissaannik
Inatsisartut aalajangiiffisassaattut siunnersuut.**

Ilassussaq 1 missingiut nutartigat siunnersummut ilanngunneqarpoq, aallaqqaasiutaa ilanngullugu
tallimanik quppernilik.



Naleraq

Ilanngussaq 1

AALLAQQAASIUT

Uagut, inuaat kalaallit, nunagisatsinni Kalaallit Nunaanni, tamakkiisumik pisinnaatitaaffivut ingerlappavut, naalagaaffiillu aqunneqarneranut aaqqissuuussaaneranullu malittarisassat uku inuaat kalaallit naalagaaffiannut namminersortumut Kalaallit Nunaannut inatsisitut tunngaviusutut matumuuna aalajangersarlugit.

Inuaat kalaallit namminneq aalajangiisinjaatitaapput aalajangiisinjaatitaajuassallutilu. Nammineq aalajangiisinjaatitaaneq tamanna qangarsuaaniilli siulitsinnit ingerlanneqarsimasoq kinguatsinnut ingerlateqqinniarparput.

Inuit tassaapput nunatta inoqqaavi. Piorsarsimassutsikkut immikkuullarissuserput, oqaluttuarisaa-nerput, kingornussagut nukittussuserpullu tassannga aallaaveqarput. Tamanna puigorneqanngisaan-nassaaq tamatigullu nersorneqartassalluni, isiginiarneqartassalluni illersorneqartassallunilu. Tamanna pisuussutigaarput. Tamanna akisussaaffigaarput.

Inatsisip tunngaviusup matuma akuersissutigineqarneratigut Kalaallit Nunaat nunarsuarmi naala-gaaffit allat naligalugit namminersortutut ilannguppoq. Inuaasugut nunat naalagaaffiillu tamarmik ataqqillugit nunarsuaq naapertuilluartumik eqqisseqatigiinnermillu tunngaveqartumik inooqataaffi-usoq nunat tamalaat akornanni suleqatigiinnermi peqataaffigissavarput.

Inuaat piumassusaat tunngavigalugu pisortat pissaaneqarnerat atuutilersinneqarpoq.

Kalaallit Nunaannut Tunngaviusumik Inatsit

§ 1. Kalaallit Nunaat naalagaaffiuvoq imminut oqartussaaffigisoq. Imm. 2. Pissaaneq pingasoqiusa-mik aggugaasoq, naalagaaffiup ingerlanneqarneranut tunngaviuvoq. Inatsisiliortussaatitaaneq Inatsisartuniippoq, atuutsitsisussaatitaaneq Naalakkersuisuniippoq eqqartuussisussaatitaanerlu eqqartuussivinniilluni.

Kalaallit Nunaata sumiiffiit oqartussaaffigisai

§ 2. Kalaallit Nunaata sumiiffiit oqartussaaffigisai agguluttorneqarsinnaanngillat.



Naleraq

Imm. 2. Naalagaaffiup ataatsimoornera imminullu naalagaaffittut oqartussaaffiginera innarlerneqas-sanngilaq.

Imm. 3. Nunap killeqarfii, nunat tamalaani isumaqatigiissutit naapertorlugit aalajangersarneqartut, inatsisitigut aalajangersarneqassapput.

Innuttaassuseqarneq

§ 3. Kinaluunniit Kalaallit Nunaanni innuttaassuseqartunik angajoqqaalik Kalaallit Nunaanni innutaassuseqarsinnaatitaavoq.

Imm. 2. Naalagaaffimmi allami innuttaassuseqartoq inatsisitigoortumik akuerineqarluni Kalaallit Nunaanni innutaassuseqalersinnaavoq.

Imm. 3. Innuttaassuseqalerneq, innuttaassuseqarnermik annaasaqarneq innuttaassuseqaleqqinnerlu inatsisitigut aalajangersarneqassapput.

§ 4. Kinaluunniit Kalaallit Nunaanni innuttaassuseqartup inatsit tunngaviusoq malillugu aaqqissuus-sineq taamatullu aamma inatsisit pisussaaffiit pisinnaatitaaffiillu taassuma malitsigisai maleruassa-vai.

Inuiattut oqaatsit ilisarnaatillu

§ 5. Kalaallit oqaasii tassaapput Kalaallit Nunaanni pisortatigoortumik oqaatsit.

Imm. 2. Inuaat ilisarnaataat, ilisarnaatillu ilusaat, uuttuutaat atorneqarnissaallu inatsisitigut aalajangersarneqassapput.

Inuit pisinnaatitaaffii pisussaaffilu

§ 6. Kinaluunniit inuunerminik kiffaanngissutsiminillu immikkoortinnejannginnissaminik pisin-naatitaaffeqarpoq, kinaassuseq, atoqateqariaaseq, upperisaq, sumi inunngorsimaneq, ammip qali-paataa, isuma, pigisat, allatulluunnit inummut tunngassuteqartut apeqqutaatinnagit.

§ 7. Kinaluunniit attaveqaqtigiinnermut atortut suugaluartulluunniit aqqutigalugit isummaminik saqqummiussisinnaatitaavoq, taamaattorli eqqartuussivinnit akisussaatinnejqarsinnaalluni.

§ 8. Angerlarsimaffiup inuullu akuleruffigineqannginnissaa illersugaassaaq.

Imm. Inatsisit immikkullarissumik inisisimatitsinngippata, tamanna eqqartuussivikkut aalajanger-neqassaaq.

§ 9. Ilinniarsinnaaneq inatsisitigut qulakkeerneqassaaq..

§ 10. Piginnittussaatitaaneq innarlerneqarsinnaanngilaq.

Imm. 2. Kinaluunniit pigisaminik pisinnaatitaaffimminilluunniit tunniussinissaminut pisussaaffiler-neqarsinnaanngilaq, inuaqatigiit ataatsimut iluaqtissaat naapertorlugu tamanna piumasari-neqanngippat. Tamanna taamaallaat inatsisitigut tamakkiisumillu taarsiisoqarneratigut pisinnaavoq.



Naleraq

Imm. 3. Pigisanik aalaakkaasunik arsaarinnissuteqarnissaq pillugu inatsisissatut siunnersuut akuerineqarpat, Inatsisartunut ilaasortat pingajorarterutaasa, siunnersuutip inaarutaasumik akuerineqarneranit akunnerit 72-it qaangiutsinnagit, piumasarisinnaavaat, aatsaat atuuttussanngortitsisoqas-sasoq Inatsisartunut nutaamik qinersisoqareernerata siunnersuutillu Inatsisartunngortunit nutaanit akuerineqaqqereernerata kingorna.

Imm. 4. Pigisanik aalaakkaasunik arsaarinnissuteqarnermik suliap inatsisit malillugit suliaasimneranik taarsiissutaasullu annertussusaannik apeqqutit suulluunniit eqqartuussivinnut sulias-sanngortinneqarsinnaapput.

§ 11. Kinaluunniit upperisarsiornikkut allatulluunniit isumaqarnissaminut pisinnaatitaaffeqarpoq.

Imm. 2. Kinaluunniit namminerisamini angerlarsimaffimmini tamanulluunniit ammasumi kisimiil-luni nammineq upperisani naapertorlugu upperisarsiornissamut pisinnaatitaaffeqarpoq, qulakkeer-neqarpat tamanna ileqqorissaarnermut aammalu inuit ulluinnarni akuerisinnaasaannut akerli-unngippat.

Inatsisartut

§ 12. Inatsisartut tassaapput inuit qinigaat inatsisiortussaatitaasut.

Imm. 2. Inatsisartunut ilaasortassat naligennaasumik toqqaannartumik isertortumillu qinersinikkut ukiunut sisamanut qinerneqartassapput.

Imm. 3. Inatsisartut innarlitsaalineqartussaapput.

Imm. 4. Naalakkersuisut Siulittaasuata akisussaaffigivaa qinigaaffik naammassitinnagu, qinersinis-sap nalunaarutiginissaa.

Imm. 5. Inatsisartut suleriaasertik nammineerlutik aalajangersassavaat.

Imm. 6 Inatsisartut amerlanerussuteqarnermikkut qinigaaffik naammassitinnagu qinersinissap nalunaarutiginissaa.

Inatsisartunut qinersineq aamma qinigaasinnaaneq

§ 13. Kinaluunniit Kalaallit Nunaanni innuttaassuseqartoq, 18-inik ukioqalersimasoq nammi-neersinnaajunnaarsitaasimanngikkuni Inatsisartunut qinersisinnaatitaavoq.

Imm. 2. Kinaluunniit § 25, imm. 1-imik naammassinnittooq Inatsisartunut qinigaasinnaatitaavoq.

Imm. 3. Ilaasortat qinigaanerisa atuuttussusiat kiisalu ilaasortaq qanoq qinigaasinnaassusiagaasin-naanersoq pillugu apeqqut Inatsisartut nammineerlutik aalajangigassaraat.

Naalakkersuisut Oqartussaaffiit akisussaaffiillu

§ 14. Naalakkersueriaaseq kinngiitsuuneq republikansk atorneqarpoq, Naalakkersuisut tassaapput inatsisinik atuutitsisussaatitaasut.



Naleraq

Imm. 2. Naalakkersuisut siulittaasuat naalagaaffiup qullersaraa.

Imm. 3. Naalakkersuisut sulinerat Inatsisartut tatiginninnerannik tunngaveqarpoq.

§ 15. Naalakkersuisut siulittaasuat Inatsisartunut ilaasortat akornannit qinerneqassaaq.

Imm. 2. Naalakkersuisut siulittaasuata Naalakkersuisunut suleriusiat naammassisassavaa, inatsisartut Siulittaasuanik akuerineqartussaq.

Imm. 3 Naalakkersuisuni ilaasortanut §25 malillugu qiningaasinnaanissaq piumasaqaat atuuppoq, Naalakkersuisutllu aatsaat atuuffeqalersinnaallutik Inatsisartut Siulittaasoqarfiata akuersineratigut.

Imm. 4 Naalakkersuisuni ilaasortat, Inatsisartuni ilaasortat assigalugit illersugaapput.

Eqqartuussiviit aamma eqqartuussiveqarneq Eqqartuussisutut pissaaneqartitat

§ 16. Kalaallit Nunaanni eqqartuussiviupput Eqqartuussiviit qullersaat aamma eqqartuussiviit ap-pasinnerusut taamatuttaaq nunanut tamalaanut tunngasuni eqqartuussiviit naalagaaffiup akuerisai.

Imm. 2. Inatsisartut allanik eqqartuussivinnik pilersitsisinnaanngillat. Eqqartuussiviit immikkullarissut eqqartuussisutut pissaaneqartitat pilersinneqarsinnaanngillat.

Imm. 3. Eqqartuussiviit aaqqissuussaanerat inatsisitigut aalajangersarneqassaaq.

Eqqartuussivilersuussisarneq

§ 17. Eqqartuussivilersuussisarneq inatsisitigut aalajangersarneqassaaq.

Nunanut allanut aamma nunat tamalaat akornanni pissutsit

§ 18. Naalakkersuisut pissutsinut Kalaallit Nunaata nunanut allanut tunngasutigut naalakker-suunikku ingerlatsineranut nunanullu allanut attaveqarneranut tunngasunut akisussaapput.

Naalakkersuisut suleqatigiinnissaq pillugu naalagaaffinnik allanik aamma/imaluunniit nunat tama-laat akornanni suliniaqtatigiiffinnik isumaqatigiissuteqarsinnaapput isumaqatiginnini-arsinnaallutillu.

Imm. 2. Nunat tamalaat akornanni isumaqatigiinninniarerit isumaqatigiissutillu Inatsisartut peqataaffigisariaqagaat allatigulluunniit pingaaruteqartut Inatsisartunit akuersissutigineqartassapput.

Imm. 3. Nunat tamalaat akornanni isumaqatigiissutit inatsisiliornermik ilaqartut atuutilersinneqan-ginnerini Inatsisartunit inatsisitut akuerineqarsimassapput. Inuaat assigiinngitsut akornanni isu-maqatigiissutit Inatsisartunit akuerineqartariaqarput.

§ 19. Naalakkersuisut aatsaat Inatsisartunit akuerineqarlutik nunanik allanik isumaqatigiissute-qarsinnaapput.

Imm. 2. Inatsisartut suleriusaanni akuersisarnissap suleriusissaa inissisorneqassaaq.

Nunanut allanut tunngasunut ataatsimiitaliaq



Naleraq

§ 20. Inatsisartut nunanut allanut, nunat tamalaat akornannut sillimaniarnermullu naalakkersuinikkut ingerlatsinermut tunngasuni suliassani Naalakkersuisunit siunersiorneqartartussanik nunanut allanut tunngasutigut naalakkersuinikkut ingerlatsineq pillugu ataatsimiititaliamik pilersitsisapput.

Imm. 2. Nunanut allanut tunngasutigut naalakkersuinikkut ingerlatsineq pillugu ataatsimiititaliamut ilaasortat nipangiussisussaatitaassapput.

Imm. 3. Nunanut allanut tunngasutigut naalakkersuinikkut ingerlatsineq pillugu ataatsimiititaliaq pillugu malittarisassat erseqqinnerusut inatsisitigut aalajangersarneqassapput.

Sillimaniarneq illersornissarlu

§ 21. Sumiiffiit Kalaallit Nunaata tamakkiisumik oqartussaaffigisai aggulunneqarsinnaanngillat.

Imm. 2. Naalakkersuisut Kalaallit Nunaata sillimaniarnerata illersorneqarnissaatalu isumagineqarnerat akisussaaffigivaat.

Imm. 3. Sumiiffinnut tamakkiisumik oqartussaaneq Kalaallit Nunaatalu illersorneqarnissaa qularnaarneqassapput.

Imm. 4. Suliassat illersornissamut sillimaniarnermullu tunngasut naalagaaffinnik aamma/imaluunniit naalagaaffiit akornanni suliniaqtigiffinnik allanik suleqateqarnikkut qularnaarneqarsinnaapput.

Ajornartorsiulernermermi iliuuseqarsinnaatitaanerit

§ 22. Naalakkersuisut Inatsisartut akuersissuteqarnerisigut nunami qinigaanngitsut aqtsisuulernerat nalunaarutigisinnaavaat.

Imm. 2. Nunami qinigaanngitsut aqtsisuulernerannik nalunaaruteqarnermi saneqqunneqarsinnaangitsunik pisinnaatitaaffeqassaaq.

Imm. 3. Nunami qinigaanngitsut aqtsisuulernerannut pissutsit sukumiinerusut inatsisikkut akuersutigineqassapput.

Imm. 4. Nunami qinigaanngitsut aqtsisuulernerannik nalunaaruteqarnermi pissutsit suleriaatsillu ajornartoornermi malinneqarsimanersut eqqartuussiviit quillersaata nalilissavai.

Inatsisinik tunngaviusunik allanngortitsineq Allanngortitsinermi periuseq

§ 23. Inatsimmut tunngaviusumut matumunnga allannguutissatut ilassutissatulluunniit siunnersuitnik Inatsisartut akuersissuteqarpata Inatsisartut ingerlaannaq tunuassapput, Inatsisartunullu nutaamik qinersisoqarluni.



Naleraq

Imm. 2. Inatsisisatut siunnersut oqaasertai allanngortinnagit Inatsisartunngortunit akuersissutigineqarpat Inatsisartuni inatsisisatut siunnersu tipakuersissutigineqarnerata kingornatigut kingusinnerpaamik qaammatit pingasut qaangiunneranni inunnik taasisitsisoqassaaq.

Imm. 3. Ikinnerpaamik qinersisartut $\frac{3}{4}$ -iisa inatsisisatut siunnersut taasinermikkut ilalerpassuk, Naalakkersuisut Siulittaasuata inatsisisatut siunnersutakuersissutigissavaa.

Atuuttuulersitsineq ikaarsaariarnermilu aalajangersakkat

§ 24. Inatsit tunngaviusoq manna tamanut saqqummiunneqarnermi kingorna atuutilissaq.

Imm. 2. Aalajangersakkat immikkuualunnerusut, inatsisip tunngaviusup piviusunngortinnissaanut pisariaqartut, inatsisitigut aalajangersarneqassapput.

Imm. 3. Inatsisit atuutereersut inatsisiliornernilu tunngaviit allat, inatsimmi tunngaviusumi allanguutinut akuerisaasunut akerliusut, aalajangersakkanik inatsimmut tunngaviusumut matumunnga naapertuuttunik aalajangersaasoqarnissaata tungaanut atuutissapput.